

Conseio e terra ferma, poi *leto una lettera di sier Piero da cha' da Pexaro procurator, proveditor zeneral, data a Verona a dì 9 Dezembrio*, zerca fortificar Lignago, qual il Capitanio zeneral summamente lauda, difende il veronese, visentin e il Polesene, et loro di Lignago voleno dar ducati 3000 et far uno loto di le soe intrade, per il che è stà zà principiato l'opera e fondato uno turion adesso che l'acqua di l'Adexe è bassa, per il chè esso Proveditor li ha levati di alozar zente de arme etc., et mandato ducati 100 al mexe di la camera di Verona. Aricorda, poi che li daci di la stadera è cressuti di fitto ducati 1000 et più a l'anno, siano deputati li ditti danari a la ditta fabrica. Per tanto messeno che di danari dil dazio di la stadera di Verona li siano deputà ducati 100 al mexe a la fabrica di Lignago, sotto pena a li Camerlengi non li mandasseno *ut in parte*. Fu presa. 195, 9, 3.

Fu posto, per li ditti, e fo in execution di quanto aricordai in renga l'ultimo Pregadi, che parlai di conzar la parte di vender li officii, in questo modo, *videlicet* che vender si debbano li officii soliti dar per la Quarantia a cittadini venetiani e li officii di fuora a subditi nostri, et con questa dechiaration la ditta parte sia posta nel nostro Mazor Conseio *ut in parte*. Ave

Et nota. *Etiam* a far questo effecto sier Francesco da Molin qu. sier Bernardin cao di XL si ha operato, perochè non la volse metter a Conseio come la stava, poi per il mio aricordo che feci, il Collegio l'ha conzà a questo modo.

481 Fu posto, per tutto il Collegio e sier Gasparo Malipiero cao di X proveditor scra i danari, una parte zerca le Cazude, che vuol che *de coetero* le termination farano li officiali a le Cazude le fazino a bossoli et ballote, et non siano valide se le non saranno aprovade per li X Savii, dove le bano andar li scrivani con li libri a difender le raxon di la Signoria nostra, *ut in parte*.

Item, voleano che tutte le termination fate per li ofitali di le Cazude da l'incendio di Rialto in qua, volendosi li scrivani di le Cazude doler, possono andar a li X Savii, e di quello recupererano di tal raxon habbino 10 per 100; et perchè a questo il Conseio mormorò assai perchè haveria confondesto il mondo, *unde* di questa ultima il Collegio si tolse zoso et mandono sola la prima, qual fu presa. Ave: 140, 40, 2.

Fono lecte do parte di tuor le tenute di debitori di la Signoria nostra, una dil 1509, l'altra dil 1515

perchè voleano meter certa parte; *tamen* nulla messeno.

Fono chiamati sier Lorenzo di Prioli cavalier, alcuni doctori e altri zoveni di Pregadi e altri doctori non vien in Pregadi al numero di zerca 30 zentilhomeni da mandar contra il prothonotario Caxalio orator dil serenissimo re d'Ingilterra, qual vien in questa terra, parti di Roma a dì 16, va a Ferrara, sichè quando li farano intender vadino. Et li fo preparato la stantia a San Zorzi Mazor.

Fu fato scurtinio con boletini di un Savio dil Conseio in luogo di sier Alvise di Prioli procurator, si ha excusado et è stà acetà per questo Conseio. Rimase sier Daniel Renier, qual non è in Pregadi, non è ben sano; si tien refudarà per esser Proveditor sora i danari con pena. *Tamen* introe.

Scurtinio di uno Savio dil Conseio ordinario.

| | |
|---|---------|
| Sier Giacomo Soranzo procurator | 76.125 |
| Sier Hironimo Justinian procurator, fo savio dil Conseio | 101.110 |
| Sier Marin Morexini savio a terra ferma, qu. sier Polo | 50.147 |
| Sier Lunardo Emo, fo podestà a Padova, qu. sier Zuan el cavalier. | 86.120 |
| Sier Piero da cha' da Pexaro procurator, proveditor zeneral | 72.132 |
| † Sier Daniel Renier, fo savio dil Conseio, qu. sier Constantin | 113. 96 |
| Sier Alvise Gradenigo, cao dil Consejo di X, qu. sier Domenego cavalier | 61.144 |
| Sier Marco Dandolo dotor, cavalier, fo savio dil Consejo | 78.128 |

A dì 26. La matina fo letere dil provedador 481* zeneral Pexaro, date a Brexa, a dì 24, hore ... Il sumario dirò di sotto.

Da Bergamo, di rectori, di 23, hore Manda questo riporto :

Uno de nostri *fide digni* venuto da Milano, partito hosi da matina, refferisse come si sono partite da Milano molte fantarie spagnole et sono ivi restati *solum* puoco numero de spagnoli; et dice haver inteso da diverse persone di condition, che Domenica da sera a dì 20 quelli dil castello deteno fuora verso porta Comasena in el borgo de Santa Anna, et amazorono molti lanzinech. *Item*, che heri sera zerca hore 22 quelli dil prefato castelo deteno fuori in gran numero verso porta Vercellina, et fe-